

Yeshua: e Kurason di Dios!!!

Awor Felipe a **buska i haña** Natanaèl i a bis'é: "**Nos** a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José." (**Juan 1:45**).

Yeshua; Jesus di Nazarèt: e Lei di Dios Tata!!!.

I ayanan **boso** lo sirbi **diosnan**, e **obra di man di hende**, palu i piedra, kualnan **no ta mira ni tende ni kome ni hole**. Ma for di ayanan lo **bo buska SEÑOR bo Dios**, i lo bo **haña EL** si **bo buska EL** ku henter **bo Kurason** i ku henter **bo Alma**. Ora **bo ta den angustia** i tur e kosnan aki bin riba **bo**, den e último dianan, lo **bo bolbe serka SEÑOR bo Dios** i **skucha Su Bos**. Pasobra **SEÑOR bo Dios ta un Dios di Kompashon**; **E** lo no faya abo ni destruí abo, ni lubidá e **Aliansa** ku **bo tatanan** ku **EL a hura na nan**. (**Deuteronomio 4:28-31**).

Yeshua; Jesus di Nazarèt: di Kende e Profetanan di Dios Tata tambe a skirbi!!!.

"Ora **Mi sera e shelunan** i no tin áwaseru, òf **Mi ordená** tirakochi pa **devorá** e tera, òf **Mi manda pestilensia** meimei di **Mi pueblo**, si **Mi pueblo** ku ta wòrdu **yamá na Mi Nòmber humiliá** nan mes i **hasi Orashon**, i **buska Mi Kara** i bira for di nan **mal kamindanan**, e ora ei lo **Mi tende** for **di shelu**, i lo **pordoná nan piká** i **kura** nan tera. Awor **Mi Wowo** lo ta **habrí** i **Mi Orea atento** na e **Orashon** hasí den e lugá aki. Pasobra awor **Mi a Skohe** i a **Konsagrá e kas** aki, pa **Mi Nòmber** por ta ayanan **pa semper**, i **Mi Wowo** i **Mi Kurason** lo ta ayanan **Kontinuamente**" (**2 Krónika 7:13-16**).

Ta kon Felipe por bisa: "Nos a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Yeshua; Jesus di Nazarèt**, yu di José."

Felipe por bisa esaki pasobra:

Yeshua ta e Kurason di Dios.

Yeshua ta e Bos di Dios.

Yeshua ta e Aliansa di Dios.

Yeshua ta e Kompashon di Dios.

Yeshua ta e Orashon di Dios.

Yeshua ta e Kara di Dios.

Yeshua ta e Wowo di Dios.

Yeshua ta e Orea di Dios.

Yeshua ta e Skohí di Dios.

Yeshua ta e Konsagrá di Dios.

Yeshua ta e Nòmber di Dios.

Yeshua ta e Kurason Kontinuamente di Dios.

26 mei 2019

Sea Bendishoná ku e **Amor di Dios Tata; Yeshua Mesias**

Un Fiel Sirbidó di Dios,

Remsly L Riley